



卷之一

天狗賦 并序

○進鵬賦表

○鵬賦

進三大禮賦表

○朝獻太清宮賦

○朝享太廟賦

○有事於南郊賦

○進封西嶽賦表

○封西嶽賦 并序

○書馬讚

○唐興縣客館記

○雜述

○秋述

○說旱

杜文註解目錄

一 讀書堂

○東西兩川說

卷之二

乾元元年華州試進士策問五首

○奉謝口勅放三司推問狀 為遺補薦岑參狀

○為華州郭使君進滅殘寇形勢圖狀

○為閬州王使君進論巴蜀安危表

為夔府柏都督謝上表

前殿中侍御史柳公紫微仙閣畫太一天尊文

祭遠祖當陽君文

祭外祖祖母文



○○○祭故相國清河房公文

○○○唐故萬年縣君京兆杜氏墓誌

○唐故范陽太君盧氏墓誌

○唐故德儀贈淑妃皇甫氏神道碑

讀書堂杜工部文集註解目錄

杜文註解目錄

二 讀書堂

柳璟子孚

滄陽張 潛上若評註

男 榕端樸園校訂

橋恒子久

天狗賦

并序○原註年譜云按玄宗天寶六載詔天下有一藝者赴京公應詔退下雷京師是年

十月上幸華清宮公因至獸坊作天狗賦又按長安東驪山有溫泉水浴可愈疾初秦始皇砌石起室漢

武帝又加修飾唐貞觀間建湯泉宮咸亨間改溫泉宮天寶六載改華清宮又築羅城置百司及十宅每

歲十月上 巡幸焉

天寶中上冬幸華清宮甫因至獸坊怪天狗院列在諸獸

杜文註解卷一

一 讀書堂

院之上胡人云此其獸猛健無與比者甫壯而賦之尚恨

其與凡獸相近

澹華清之莘莘漠漠而山殿戍削縹與天風嵬乎翹薄上

揚雲旂兮下列猛獸夫何天狗嶙峋兮氣獨神秀色似後

猊小如猿狖忽不樂雖萬夫不敢前兮非胡人焉能知其

去就向若鐵柱欹而金鎖斷兮事未可救瞥流沙而歸月

窟兮

天狗來自西域卽西旅貢獐之類故以流沙月窟言之

斯豈踰晝日食君之鮮

肥兮性剛簡而清瘦敏於一擲威解兩鬪終無自私必不

虛透嘗觀乎副君暇豫奉命于畋則蚩尤之倫已脚涓載

涇提挈丘陵與南山周旋而慢圍者戮實禽有所穿伊鷹  
隼之不制兮呵犬豹以相纏蹙乾坤之翕習兮望麋鹿而  
飄然由是天狗捷來發自於左頓六軍之蒼黃兮劈萬馬  
以超過材官未及唱野虞未及和罔憐欠與流星兮勝矢鳴鏑

也圍要害而俱破泊千蹄之逆集兮始勅怒以相賀真雄

姿之自異兮已歷塊而高臥不愛力以許人兮能絕甘以

爲大音既而羣有噉咋勢爭割據垂小亡而大傷兮翻投

跡以來預劃雷殷而有聲兮紛膽破而何遽似爪牙之便

禿兮無魂魄以自助各弭耳低徊閉目而去朱云以上皆敘馳獵之事

杜文註解卷一 二 讀書堂

每歲天子騎白日御東山百獸蹶蹶以皆從兮四猛佗銘

鏡乎其間夫靈物固不合多兮胡役役隨此輩而往還惟

昔西域之遠致兮聖人爲之豁迎風虛露寒迎風寒露二殿名體

蒼螭軋金盤初一顧而雄材稱是兮召羣公與之俱觀宜

其立閭闔而吼紫微兮却妖孽而不得上干時駐君之玉

輦兮近奉君之渥歡使旻處而誰何兮吳犬視貌他本作臭非備周

垣而辛酸彼用事之意然兮匪至尊之賞闕用事謂養獸職事之人意

則如此非上不加賞也仰千門之峻嶒兮覺行路之艱難懼精爽之

衰落兮驚歲月之忽殫顧同儕之甚少兮混非類以摧殘

偶快意於校獵兮，尤見疑於躡捷。此乃獨步受之於天兮，孰知羣材之所不接。且置身之暴露兮，遭縱觀之稠疊。俗眼空多，生涯未愜。吾君儻憶耳尖之有長毛兮，寧久被斯人終日馴狎已。

進鵬賦表

原註年譜云天寶九載公在京師嘗進鵬賦在進三大禮賦之先

臣甫言臣之近代，陵夷公侯之貴，磨滅鼎銘之勳，不復照耀於明時。自先君恕預以降，奉儒守官，未墜素業矣。亡祖故尚書膳部員外郎先臣審言，修文於中宗之朝，高視於藏書之府。故天下學士到於今而師之。臣幸賴先臣緒業，

杜文註解卷一

三 讀書堂

自七歲所綴詩筆，向四十載矣。約千有餘篇，今賈馬之徒得排金門，上玉堂者，甚衆矣。惟臣衣不蓋體，常寄食於人，奔走不暇，只恐轉死溝壑，安敢望仕進乎。伏惟天子哀憐之，明主儻使執先祖之故事，拔泥塗之久辱，則臣之述作雖不足以鼓吹六經，先鳴數子。至於沉鬱頓挫，隨時敏捷，而揚雄枚臯之流，庶可跂及也。有臣如此，陛下其舍諸公。每公

自負有東方生之詼諧

伏惟明主哀憐之，無令役役便至於衰老也。

臣甫誠惶誠恐頓首頓首，死罪死罪。臣以爲鵬者鷲鳥之殊特，搏擊而不可當。豈但壯觀於旌門，發狂於原隰，引以

爲類。是大臣正色立朝之義也。臣竊重其有英雄之姿。故作此賦。實望以此達於聖聰矣。不揆蕪淺。謹投延恩。獻進表。獻賦以聞。謹言。

古茂雅令。逼真漢文。至其立言。有致。令人千載下想其風流。

### 鵬賦

當九秋之淒清。見一鶚之直上。以雄材爲己任。橫殺氣而獨往。梢梢勁翮。肅肅遺響。杳不可追。俊無畱賞。彼何鄉之性命。碎今日之指掌。伊鷲鳥之累百。鷲鳥累百。不如一鶚。敢同年而爭長。此鵬之大略也。若乃虞人之所得也。必以氣稟玄冥。

### 杜文註解卷一

### 四 讀書堂

陰乘甲子。河海蕩潏。風雲亂起。雪。五。山。陰。冰。纏。樹。死。迷。向。背。於。八。極。絕。飛。走。於。萬。里。朝。無。以。充。腸。夕。違。其。所。止。頗。愁。呼。而。蹭。蹬。信。求。食。而。依。倚。用。此。時。而。椽。杵。待。尤。者。而。綱。紀。表。狎。羽。而。潛。窺。順。雄。姿。之。所。擬。歛。捷。來。於。森。木。固。先。繫。於。利。背。謂以四誘之。解騰攫而竦神。開網羅而有喜。獻令。朱本。作禽之。課數備而已。及乎閩。朱本。作司。隸受之也。則擇其清質。列在周垣。揮拘孿之掣。曳控豪梗之飛。翮。謂條銳。以馴之。識攷遊之所使。登馬上而孤騫。然後綴以珠飾。呈於至尊。搏風槍。擧用壯。旌門乘輿。或幸別館。獵平原。寒蕪空闊。霜仗喧繁。觀其夾。

翠華而上。下卷毛血之崩奔。隨意氣而電落。引塵沙而晝

昏。寫後鵠之獵入神豁堵牆之榮觀。棄功效而不論。斯亦足重也。

至如千年孽狐。三窟狡兔。恃古塚之荆棘。飽荒城之霜露。

迴惑我往來。趁起我場圃。雖青髀帶角。白鼻如瓠。蹙奔蹄

而俯臨。飛迅翼而遐寓。而料全於果。見迫寧遽。屢攬之而

穎脫。便有若於神助。是以嘵嘵其音。颯爽其慮。續下鞞而

繚繞。尚投跡而容與。奮威逐北。施巧無據。方蹉跎而就擒。

亦造次而難去。一竒卒獲。百勝昭著。夙昔多端。蕭條何處。

斯又足稱也。爾其鴿鴟鴞鴟之倫。莫益於物。空生此身。聯

杜文註解卷一

五 讀書堂

拳拾穗。長大如人。肉多奚有味。乃不珍。輕鷹隼而自若。託

鴻鵠而爲鄰。彼壯夫之慷慨。假強敵而逡巡。拉先鳴之異

者。及將起而復臻。忽隔天路。終辭水濱。寧掩羣而盡取。且

快意而驚新。此又一時之俊也。夫其降精於金。金天立骨。

如鐵。爪剛目通於腦。筋入於節。佳架軒楹之上。純漆光芒。

掣梁棟之間。寒風凜冽。雖趾躄千變。林嶺萬穴。擊叢薄之

不開。突杈枒而皆折。又有觸邪之義也。久而服勤。是可吁

畏。必使烏攫之。黨罷鈔盜。而潛飛梟怪之羣。想英靈而虛

墜。豈非豈非朱本作豈此乎虛陳其力。叨竊其位。等摩天而自安。與

槍榆而無事者矣。故不見其用也。則晨飛絕壑。暮起長汀。來雖自負去若無形。置巢巖嶽。巢養子青冥。倏爾年歲茫然。闕庭莫試。鉤爪空迴。斗星衆雛。儻割鮮於金殿。此鳥已將

老於巖局。

卒傷此鳥之不得見。試蓋以自喻寓意可感。

始終借鵬自喻。公後爲拾遺。丰裁可以想見。中鋪敘有法。景真語警。卽置漢賦內亦可。○椽杙長楊賦。椽截薛而爲杙。杙槩也。○烏攫黃霸傳。吏出食於道旁。烏攫其肉。○空迴斗星。元命苞。瑤光星散爲鷹。○朱本改字皆本之文。

粹英華

進三大禮賦表

原註年譜云。按玄宗天寶十載正月八日壬辰朝獻太清宮。癸巳朝享太廟。甲午有事于南郊。公時在京師。進三大禮賦。上奇之。命待制集賢院召試文章。

杜文註解卷一

六 讀書堂

臣甫言。臣生長陛下淳樸之俗。行四十載矣。與麋鹿同羣。而處浪跡陛下豐草長林。實自弱冠之年矣。豈九州牧伯不歲貢豪俊於外。豈陛下明詔不仄席思賢於中哉。臣之愚頑。靜無所取。以此知分。沉埋盛時。不敢依違。不敢激訐。默以漁樵之樂自遣而已。詞意雅飭頃者賣藥都市。寄食朋友。竊慕堯翁擊壤之謳。適遇國家郊廟之禮。不覺手足蹈舞。形於篇章。漱吮甘液。游泳和氣。聲韻濩廣。卷軸斯存。抑亦古詩之流。希乎述者之意。不嫌自譽然詞理野質。終不足以拂天聽之崇高。配史籍以永久。恐候先狗馬遺恨。九原謹稽。

首投延恩醜獻納上表進明主朝獻太清宮朝享太廟有事於南郊等三賦以聞臣甫誠惶誠恐頓首頓首謹言

延恩醜則天臨朝鎔銅爲醜四面置門東西名曰延恩醜上賦頌求官爵者投之

朝獻太清宮賦

太清宮卽太三清名之薦享聖祖元皇帝卽老子又於寶仙洞求得老子

子妙寶真符時至宗遵道教慕長生

冬十有一月天子旣納處士之議承漢繼周革弊用古勅

崇揚休

此徵唐家致太平之功而致祭列祖

明年孟陬將摠大禮以相籍越

彝倫而莫儔歷良辰而戒吉分祀事而孔修

此言朝獻太清宮營

室主夫宗廟乘輿備乎冕裘甲子王以昧爽春寒薄而清

杜文註解卷一

七 讀書堂

浮虛閭闔逗蚩尤

旗也

張猛馬出騰虬捎熒惑隨旄頭風伯

扶道雷公挾輶通天台之雙闕警溟漲之十洲浩劫礪礪

萬僊颺颺歛臻於長樂之舍鬼入乎崑崙之丘太一奉引

庖犧左右堯步舜趨禹馳湯驟鬱閔宮之律峯圻元氣以

經構斷紫雲而竦牆

老子闕門紫氣

撫流沙而承雷

老子之流沙紛墮

朱本作隋

珠而陷碧燿

音醜

波錦而浪繡森青冥而欲雨艷光炯

而初晝於是翠蕤俄的

此言百祥諸神畢集

藻籍舒就祝融擲火以

焚香溪女捧盤而盟漱羣有司之望幸辯名物之難究瓊

漿自間於棗盛羽客先來於介冑爍聖祖之儲祉敬雲孫

而及此詔軒轅使合符勅王喬以視履積昭感於嗣續匪  
正辭於祝史匪與乘通輔也若昏蠻而有憑肅風颺而乍起揚流

蘇於浮柱金英霏而披靡吼吸金英擬雜珮於曾巔孔蓋欹以

颯纏音史中縱縱以廻復外蕭蕭而未已上穆然注道爲身

覺天傾耳此段言甲視五代陳僭號於五代復戰國於千祀曰嗚

呼昔蒼生纏孟德之禍爲仲達所愚鑿齒其俗窳窳其孤

赤烏高飛不肯止其屋黃龍哮吼不肯負其圖伊神器臬

兀而小人响喻歷紀大破創痍未蘇尚攫拏於吳蜀又顛

躓於羯胡縱羣雄之發憤誰一統於亨衢在拓跋與宇文

杜文註解卷一

八 讀書堂

豈風塵之不殊比聰虜及堅特混貔豹而齊驅愁陰鬼嘯  
落日梟嘯各擁兵甲俱稱國都且耕且戰何有何無惟累  
聖之徽典恭淑慎以允緝茲火土之相生非符讖之備及

此段言唐室崛起典治化所感煬帝初暴叔寶初襲編簡尚新義旗爰入

旣清國難方覩家給竊以爲數子自誣敢貞乎五行攸執

而觀者潛晤或喜至於泣鱗介以之鳴篋昆跂以之振蟄

感而遂通罔不具集佗神光而紺音刪音闕羅詭異於載音

音集地軸傾而融曳洞宮儼以巖岌九天之雲下垂四海之

水皆立鳳鳥威遲而不去鯨魚屈矯以相吸掃太始之舍

靈卷殊形而可挹。則有虹霓爲鈎帶者。指羣仙言入自於東揭

莽蒼履啞。素髮漠漠。至精濃濃。條弛張於巨細。覬披寫

於心胃。蓋脩竿無隙。而仄席已容。裂手中之黑簿。睨堂下

之金鐘。得非擬斯人於壽域。明返樸於玄蹤。忽翳日而翻

萬象。却浮雲而留六龍。咸警跣而壯茲應。終蒼黃而昧所

從。上猶色若不足。處之彌恭。天師張道陵等。泊左玄君者。

前千二百官吏。謁而進曰。學封禪典引之文今王巨唐帝之苗裔。

坤之紀綱。此段稱頌本朝見宜直接。殷周漢統并封三恪事。上配君服。宮尊臣商。

起數得統。特立中央。土德爲中且大樂在懸。黃鐘冠八音之首。

杜文註解卷一

九 讀書堂

太昊斯啓。太昊乘震。司春。青陸獻千春之祥。曠哉勤力耳目。謂羣臣

宜乎大帶斧裳。故風后孔甲充其佐。山稽岐伯翼其傍。至

於易制取法。謂創制禮樂足以朝登五帝。夕宿三皇。信周武之

多幸。存漢祖之自強。且近朝之濫吹。謂五代冒濫不足重仍改卜乎

祠堂。初降素車。終勤恤其後。有客白馬。固漂淪不忘。謂求殷周

漢子孫爲三恪也伊庶人得議。謂處士崔昌寔邦家之光。臣道陵等試

本之於青簡。探之於縹囊。謂考之古典列聖有差。夫子聞斯於

老氏。好問自久。宰我同科。於季康敢撥亂反正。乃此其所

長萬神開。八駿廻。此言祭畢。回駕旗掩月。車奮雷。騫七曜。燭九垓。

能事穎脫清光大來

謂天地清寧

或曰今太平之人莫不優游

以自得况是蹴魏踏晉批周抉隋之後與夫更始者哉

此當是祀老子文明皇追祖老子號元皇帝天寶二  
年加號太聖祖○按天寶九載八月處士崔昌上言國  
家宜承漢統以土代火周隋皆閏位不當以其子孫為  
二王上乃命求殷周漢後為三恪廢韓介鄒公韓元魏  
後介後周後鄒隋後○正月為孟陬謂日月所會之星  
躔○營室即詩定之方中為清廟歲星○熒惑旄頭二  
惡星天台山名十洲仙境○長樂宮名○黃帝宮在崑  
崙太一天神之貴者○崑崙大赤也○的明也藻籍以藉  
圭就一匝也祝融五祀之官主火正溪女道書有十二  
溪女皆陰神○敬雲孫以能盡敬之雲孫而來祭也軒  
轅黃帝名○王喬為葉令有神術帝訝其來數令太史  
候之有雙鳧飛來網得之喬賜也乃四年中尚方所賜  
○胎蠶濕生蟲蚊之類言大福之來如此蟲羣飛而多  
也○流蘇卽繡毬從從發散貌○鑿齒窳麻皆惡黨○

杜文註解卷一

十 讀書堂

負圖黃帝過洛河龍負圖書赤文綠字臬兀危也咄喻  
和悅貌○拓跋東西魏宇文為後周聽鹿堅特劉聰慕  
容鹿符堅李特也○歷代紀運圖隋以火德唐以土德  
○簾鐘鼓架刻猛獸形其上○神光卽鬼神剗開開大  
也香衆也洞宮仙宮也○脩竿元氣長也言盛治綿長  
無間而片席之地已容諸神也罪簿有黑綠白○忽翳  
日三句言神來蔽日改觀而留侍龍輦咸恐懼躡足以  
應○張道陵真人左元君其弟子屬官也○東方青日  
行東陸故青○大帶紳也芥裳取斷○風后孔甲山稽  
岐伯四人皆古賢臣○素車祭車尚質故素○孔子問  
祿祭於老氏宰我問五帝之德於夫子季康亦嘗問  
仁○杜公課伐木詩序古質宋交流易宜舊註譏之

原註

蔡條西清詩話云杜少陵文自古奧如九天之雲

留六龍乃舞陵亂又浩乎春風壯而江海波其語磊落  
驚人或言無韻者殆不可讀是大不然蘇東坡有美堂  
詩云天外薰風吹海立浙東飛雨過江來蓋出於此也  
嚴有翼藝苑雌黃云秦少游嘗言人才各有分限杜子

美詩冠古今而無韻者殆不可讀。曾子固以文名天下而有韻者輒不工。此未易以理推也。余比觀西清詩話乃不然。此說云杜少陵文自古奧所舉數語出朝獻太清宮賦。誠磊落驚人。此謂之有韻之作。可乎。竊意少游所謂無韻不可讀者。不過課伐木詩序之類而已。後山詩話云杜之詩法韓之文法也。詩文各有體。韓以文爲詩。杜以詩爲文。故不工耳。

### 朝享太廟賦

初高祖太宗之櫛風沐雨

致祭太宗

勞身焦思用黃鉞白旌

者五年而天下始一歷三朝而戮力今庶績之大備上方采靡俗之謠稽正統之類蓋王者盛事臣聞之於里曰昔武德以前黔黎蕭條無復生意遭鯨鯢之蕩汨荒歲月而

### 杜文註解卷一

十一 讀書堂

沸渭袞服紛紛朝廷多閏者仍互乎晉魏臣竊以自赤精

之衰歇

陶唐據火德而漢紹之爲赤精

曠千載而無真人及黃圖之經綸

息五行而歸厚地

唐以土德王故云

則知至數不可以久缺凡材

不可以長寄故高下相形而尊卑各異惟神斷繫之於是

本先帝取之於義壬辰旣格于道祖乘輿卽於是日致齋

於九室

此下言祭太廟禮儀之盛

所以昭達孝之誠所以明繼天之質

具禮有數六官咸秩大輅每出或黎元不知豐年則多而

筐筥甚實旣而太尉驂乘司僕扈蹕望重闔以肅恭順法

駕之徐疾公卿淳古士卒精一

音殫黑

宗廟之愈深抵職

司之所密宿翠華於外戶曙黃屋於通術氣凄凄於前旒  
光靡靡於嘉粟階有賓阼帳有甲乙升降之際見玉柱生  
芝擊拊之初覺鈞天合律筍簾佗以碣磻于戚苑而婆娑  
鞞鼓塤箎爲之主鐘磬竽瑟以之和雲門咸池取之至空  
桑狐竹貴之多八音脩通既比乎旭日升而氛埃滅萬舞  
凌亂又似乎春風壯而江海波鳥不敢飛而玄甲哮嚙以  
岳峙象不敢去而鳴佩劍燐以星羅已而上乾豆以登歌  
美休成之既饗璧玉儲精以稠疊門闌洞豁而森爽黑帝  
歸寒而激昂蒼靈戒曉而來往飈事莽而充塞羣心麋以

杜文註解卷一

三 讀書堂

振蕩桐花未吐孫枝之鸞鳳相鮮雲氣何多宮井之蛟龍

亂上若夫生弘佐命之道死配貴神之列此言功臣配享之榮則殷

劉房魏之勲是可以中摩伊呂上冠夔高與契同代天之工

爲人之傑丹青滿地松竹高節自唐興以來若此時哲皆

朝有數四數四字意未詳名垂卓絕向不遇反正撥亂之主君臣

父子之別奕葉文武之雄注意生靈之切雖前輩之溫良

寬大豪俊果決曾何以措其筋力與韜鈴載其刀筆與喉

舌使祭則與食則血若斯之盛而已爾乃直于主索于祔

此言情文備而致休祥警幽全之物散純道之精告幽全之物者貴純之道也蓋

我后常用惟時克貞。營以蕭合酌。以茅明嘏。以慈告祝。以  
孝成。故天意張皇。不敢殄其瑞。神姦妥帖。不敢秘其精。邪

則精隱故曰秘而撫絕軌。享鴻名者矣。于以奏永安。于以奏王夏。

福穰穰於絳闕。芳菲菲於玉笋。沛枯骨而破盲聾。施殒朱

天胎而逮鰥寡。園陵動色。躍在藻之泉。魚弓劍皆鳴汗。鑄

金之風馬。漢金馬門霜露堪吸。禎祥可把。曾宮獻歛。陰事儼雅。

薄清輝於鼎湖之山。靜餘響於蒼梧之野。上窅然漠漠。惕

然兢兢。此言土上謙謹紛益所慕。言慕之多若不自勝。瞰牙旗而獨立。

吟翠駿而未乘。五老侍祠而精駭。千官逃聽而思疑。於是

杜文註解卷一

十三 讀書堂

丞相進曰。時李林甫陳希烈為相陛下應道而作。惟天與能。此言羣臣頌德

高往代澆訛散淳樸。登尚猶日慎業業。孝思烝烝。恐一物之

失。所懼先王之咎徵。如此之勤恤匪解。是百姓何以報夫

元首。在臣等何以充其股肱。且如周宣之教親不暇。孝武

之淫祀相仍。諸侯敢於迫脅。方士奮其威稜。歸于誦諫。玄宗好神仙

而公言及此一則以微言勸內。承別宜一則以輕舉虛憑。承

武謂上仙又非陛下恢廓緒業。其瑣細亦曷足稱。丞相退

上踟天躋地。授綬登車。此言祭單回駕伊鴻洞槍壘。先出為儲胥。

本枝根株乎萬代。睿思經緯乎六虛。甲午方有事於采壇。

紺席宿夫行所如初

即過到郊天

駢麗繁富中有樸茂之致勝宋人多矣○鯨鯢大魚謂不義之人涉淵奮擊貌○多聞史謂莽不得正王之位如積歲月之餘爲閭○神斷謂主上決斷道祖謂老子明堂有九室○翠華旗也黃屋天子乘車通術衛遂也徑上有遂穀初熟曰粟○漢武作甲乙之帳○佗壯勇貌碣磳盛怒也○雲門黃帝樂咸池堯樂空桑謂琴瑟孤竹謂管○崑嶠深密也劍煇有光也休成叔孫通所奏樂○黑帝冬帝也蒼靈春帝也麤恐懼貌○殷劉房魏殷開山劉文靜房玄齡魏徵也○直祭祝于主索祭祝于祊縮酌用茅明酌也○皇帝入門奏永安之樂出入奏王夏之章○天胎少長曰天在孕曰胎○天子出建大牙旗翠駮馬名○堯遊首山有五老飛爲流星○詩黃鳥刺宣王也刺其以陰事教親而不至聯兄弟而不固○鴻洞大也以竹木爲槍槩儲胥藩落之類○綵壇謂泰壇祭天紺席謂高帝居堂下紺席西向配天行所卽行在謂行宮也

杜文註解卷一

古讀書堂

有事於南郊賦

蓋主上兆於南郊聿懷多福者舊矣今茲練時口

練擇也就

陽位之美又所以厚祖考通神明而已職在宗伯首崇禮

祀先是春官條頌祇之書獻祭天之紀令泰龜而不昧俟

萬事之將履掌次閱壇邸之則封人考壇宮之旨司門轉

致乎牲牢之繫小胥專達乎懸位之使二之日朝廟之禮

既畢天子蒼然視於無形澹然若日所聽又齋心於宿設

將肝食而匪寧旌門坡陀以前騫馭騎反覆以相經頓曾

城之軋軋軼萬戶之熒熒馳道端而如砥浴日上而如萍

擧翠旒於華蓋之角，彗黃屋於鉤陳之星。先述出郊，幽薄之盛。神仙

戍削以落羽，颺飄幽憂以固扃。戰咬慄華，擺涓掉溼。地回

回而風淅淅，天決決而氣清清。甲冑乘陵，轉迅雷於荆門。

巫峽玉帛清迴，霽夕雨於瀟湘。洞庭於是乘輿，霈然乃作。

翳夫鸞鳳將至，以冲融寥廓不可乎彌度。聲明通乎純粹，

溟泮為之垠堦。駟蒼螭而蜿蜒，若無骨而柔順。奔鳥攫朱本

作獲卽鳥而黝黹，徒有勢於殺縛。朱輪竟野而杳冥，金鏐

朱謂當作鏐成陰以結絡，吹堪輿以軒輕。捨寒暑以前却，

音犯馬冠也中營密擁乎太陽，宸眇臨乎長薄。林熊羆弭耳以

捨爭取也相舐，虎豹高跳以虛攫。上方將降帷宮之綵，綺屏玉軼以

蠓略人門，行馬以拱乎合沓之場。皮弁大裘，始進於穹崇

之幕，衝牙鏗鏘以將集。周衛轆轤而或若月窟，西黑而扶

桑。東寒田燭稠而曉星落，肅定位以告潔。此敘行郊天之禮藹嚴

上而清超，雲茵蒼以張蓋。春葳蕤而達杓，簪裾斐斐樽俎

蕭蕭。方回曲折，周禮正方之位方回當作方面周旋寂寥，必本於天。王宮

祭與夜明，祭相射動而之地。山林與川谷俱標，此敘旁於

是乎官有御事有職，此總言禮物之盛所以敬鬼神，所以勤稼穡。

所以報本反始，所以度長立極。玄酒明水之上，越席疏布

杜文註解卷一

之側必取先於稻秫麴蘖之勤必取著於紛純文繡之飾  
雖三牲八簋豐備以相沿而蒼璧黃琮實歸乎正色先王  
之不業繼起信可以永其昭配羣望之徧祭在斯望于山川示

有以明其翼戴由是播其聲音以陳列此敘音從乎節奏

以進退韶夏濩武采之於訓謨鍾石陶匏具之於梗槩變

方形於動植聽宮徵於砰礚英華發外非因乎筍簾之高

和順積中不在乎雷鼓之大既而腓脛胫骨柴燎窟塊此段

言福應之多駉若擘赫葩斜晦瀆電纏風升雪颯星碎拂勿佺

澗眇溟漭淬聖慮岑寂玄黃增霈謂天地增澤蒼生顛昂毛髮

杜文註解卷一

六 讀書堂

清籟即毛髮細物皆聽清籟雷公河伯咸駭駭以脩聳霜女江妃乍

紛綸而晻曖執紱秉翟朱于玉戚鼓瑟吹笙金支翠旌神

光倏斂祀事虛明於是潛灑乎渙汗紆餘乎經營浸朱崖

方南而灑朔漠北方日出處而濡若英若木之英日出處蒼艾涕

而童子饌叢棘圻狴牢朱本作狂傾是率土之濱覃酺醪以涵

泳非奉郊之縣獨宴慰以縱橫玄澤淡汙乎無極殷薦綱

纒乎至精稽古之時屢應符而合契聖人有作不逆寡而

雄成爾乃孤卿侯伯雜羣儒三老儼而絕皮軒趨帳殿稽

首曰此段敘諸臣頌聖上德功超于前代臣聞燧人氏已往法度難知文質

未變太昊氏繼天而王根啓閉於厥初以木傳子據終始  
而可見洎虞夏商周茲煥炳蕙蒨秦失之於狼貪蠶食漢

綴之以蛇斷龍戰中莽茫夫何從聖蓄縮曾不眷謂在天

伏惟道祖老子視生靈之磔裂醜害馬之蹄齧莊子去其害馬呵五

精之息肩考正氣之無轍協夫貽孫以降使之造命更挈

累聖昭洗中祚觸蹶指則天革唐為周事氣慘黷乎脂夜之妖勢廻

薄乎龍蛇之孽伏惟陛下勃然憤激之際天闕不敢旅拒

指玄宗平韋后之亂事鬼神為之嗚咽高衢騰塵長劍吼血尊卑配

宇縣刷插紫極之將頽拾清芬於已缺鑪以之仁義鍛以

杜文註解卷一

七 讀書堂

之賢哲聯祖宗之耿光卷夷狄之影撇蓋九五之後人人

自以遭唐虞四十年來家家自以為稷契同高王綱近古而

不軌見非路築天聽貞觀以高揭蠢爾差僭粲然優劣宜其課

密於空積忽微此段言治曆之事刊定於興廢繼絕指求殷周漢為三恪事

而後觀數統從首始八音六律而惟新日起算外起一字

千金而不滅上曰吁昊天有成命惟五聖以受此敘主上謙讓歸功

于天地我其夙夜匪遑宴用素樸以守吁嗟乎麟鳳胡為

乎郊藪豈上帝之降鑒及茲玄元之垂裕於後夫聖以百

年為鶉鷲道以萬物為芻狗末段歸到憂聖危明欲主上去淫祀却真獻以登大庭之

治今何以茫茫臨乎八極眇眇託乎羣后端策拂龜於周  
漢之餘緩視闊步於魏晉之首斯上古成法蓋其人已朽  
不足道也於是天子默然而徐思終將固之又固之意不  
在抑殊方之貢亦不必廣無用之祠金馬碧雞非理人之  
術應無用之祠珊瑚翡翠此一物何疑應殊方之貢言一物之微無所關涉奉郊  
廟以為寶憎怵惕以孜孜况大庭氏之時况比六龍飛御  
之歸

頌祇謂為歌頌以祭地祇○秦龜卜吉也○瓊瑯王祀  
上帝則天官掌張瓊案設皇邸封人掌王之社隨為畿  
封而樹之司門官各小胥正樂懸之位○旂門設帷為  
宮則樹旌表門坡陀高貌設騎張弓之騎軋軋難進也

杜文註解卷一

六 讀書堂

軌凌越也○浴日初上之日如萍如萍實也太帝上九  
星曰華蓋鉤陳羽林之星戎削裁制貌落羽始皇三徵  
王次仲不至變為大鳥落羽於居庸山中○岐華二山  
涓涓二水○翳蔽也彌終也溟溟淡淡也○黝黝陰黑  
也○堪天道輿地道詩如輕如軒中營天子營○緜縵  
盛貌軌音代車轄也甘泉賦縵略縵綏正言車馬之狀  
人門王行無宮則立長大之人以為門行馬謂程柘木  
柵也輻輳遠貌○葳蕤盛也建杓斗柄○紛純設席○  
碎磴大聲○胜音圭腹大貌窟塊澗而聚也驕大聲若  
小聲葩光彩晦陰漬沈也誕大也澗回旋也菴滓紛擾  
也駢駢行貌青女天神出以降霜江妃即舜二妃掩曖  
不明也渣泔延長貌○叢棘獄中狴牢亦獄也○酺大  
飲酒也上祀南郊賜酺三日釀合錢飲○莊子至人不  
逆寡謂不侮弱也不雄成謂不恃成而處物先也○太  
昊位在東方主春象日汭及也五行志心之不睿厥咎  
霧有暗夜之妖若脂水夜汭人衣淫之象也皇之不建  
厥咎眊有龍蛇之孽○撤擊也○課密言律曆以課疎  
密空積若鄭氏分干為數千忽微謂若有若無細於髮

也○呂氏春秋易一字而千金○公詩五聖連龍袞○元卽老子○莊子聖人鶡居而鷺食鳥行而無彰天地以萬物爲芻狗視之如芻草狗畜用過則棄之○按○宗崇祀○元方士爭言符瑞又信崔昌之議欲比隆周漢不知淫祀矯誣慙德多矣子美三賦之卒章皆寓規于頌卽子雲賦羽獵甘泉意也公曰賦料揚雄敵豈虛語哉○陳子龍曰三大禮賦辭氣壯偉非唐初餘子所能及

**原註**

後村詩話云前人謂杜詩冠古今而無韻者不可讀又謂太白律詩殊少此論施之小家數可也余

觀杜集無韻者惟夔府詩題數行頗艱澀容有誤字脫簡如大禮三賦沉着痛快非鉤章棘句者所及太白七言近體如鳳凰臺五言如憶賀監哭紀叟之作皆高妙未嘗細考而輕爲議論學者之通患韓退之嘗云氣水也言浮物也水大則物之浮者小大畢浮氣之與言猶是也氣盛則言之短長與聲之高下皆宜此論最親切李杜是甚氣魄豈但工于有韻及古體乎

### 杜文註解卷一

九 讀書堂

**進封西嶽賦表**

原註年譜云天寶十三載公在京師進封西嶽賦按玄宗天寶九載正月

羣臣奏封華嶽從之二月辛亥西嶽廟災乃停封至是年冬公始進此賦而請封也

臣甫言臣本杜陵諸生年過四十經術淺陋進無補於明時退嘗困於衣食蓋長安一匹夫耳頃歲國家有事於郊廟幸得奏賦待制於集賢委學官試文章再降恩澤仍復以臣名實相副送隸有司參列選序然臣之本分甘棄置永休望不及此豈意頭白之後竟以短篇隻字遂曾聞徹宸極一動人主是臣無負於少小多病貧窮好學者已

茂典

可在臣光榮雖死萬足至於仕進非敢望也日夜憂迫復

未知何以上答聖慈。明臣子之效。况臣常有肺氣之疾。恐忽復先草露塗糞土。而所懷冥寞孤負。皇恩敢據竭憤懣。聽發洩也領略。丕則作封西嶽賦一首。以勸所覲。謂已所希望也。勸上行之。

明主覽而留意焉。先是御製嶽碑文。卒章曰。待余安人治國。然後徐思其事。此蓋陛下之至謙也。今茲人安是已。今

茲國富是已。况符瑞翕習。福應交至。何翠華之脈脈。朱本作默。

乎。維嶽固陛下本命。明皇生于仲秋。以永嗣業。維嶽授陛下元

弼。克生司空。謂郭子儀公。領慕正人如此。朱云。玄宗十三載。乃右相楊國忠守司空。時國忠大惡。未

著故公及之斯又不可寢已。伏維天子霈然留意焉。春將披圖

杜文註解卷一

辛 讀書堂

視典冬乃展采錯事。采事也。日尚浩濶人匪勞。止庶可試哉。

微臣不任區區懇到之極。謹詣延恩。既獻納。奉表進賦。以

聞。臣甫誠惶誠恐頓首頓首謹言

封西嶽賦 并序

上既封泰山之後。玄宗開元十三年十一月封泰山禪梁父。三十年間車轍馬

跡。至於太原。遷于長安。時或謁太廟。祭南郊。每歲孟冬。巡

幸溫泉而已。聖主以為王者之體。告厥成功。止於岱宗。可

矣。故不肯到崆峒。訪具茨。驅八駿於崑崙。親射蛟於江水。

始為天子之能事。壯觀焉爾。况行在供給。蕭然煩費。或至

作歌有慚於從官。誅求坐殺於長吏。說盡巡幸之害甚非主上執

立祖。老子醇醲之道端拱御蒼生之意大哉聖哲垂萬代則

蓋上古之君皆用此也。然臣甫愚竊以古者疆場有常處

贊見有常儀則備乎玉帛而財不匱乏矣。動乎車輿而人

不愁痛矣。雖東岱五嶽之長。以東嶽形太華足以勒崇垂鴻與山

石無極。伊太華最為難上。至於封禪之事獨軒轅氏得之

夫七十二君罕能兼之矣。其餘或蹶踣風雲碑版祠廟終

么麼不足追數。今聖主功格軒轅氏業纂七十君風雨所

及日月所照莫不砥礪華近甸也。其可慙乎。比歲鴻生巨

杜文註解卷一 主 讀書堂

儒之徒誦古史引時義云。國家土德與黃帝合。主上本命

與金天合。玄宗封華山神為金天王而守闕者。謂上書人亦百數。天子寢不

報蓋。諫如也頃或詔厥郡國掃除曾巔。雖翠蓋可薄乎蒼

穹。而銀字未藏於金氣。臣甫誠薄劣不勝區區吟咏之極

故作封西嶽賦以勸賦之義。預述上將展禮焚柴者實覲

聖意。因有感動焉。為其詞曰。

此序逼真漢人宜公每以相如枚乘自命。么麼小貌。宛委書金簡青玉為字編以白銀皆琢其文。

惟時孟冬百工乃休。上將陟西嶽覽八荒。御白帝之都。少昊

白帝治西岳見金天之王。既刊石乎岱宗。又合符乎軒皇。茲事

西岳

體大越不可載已。學封禪書先是禮官草具其儀各有典

司俯叶吉日欽若神祇而千乘萬騎已螻略怡儼屈矯陸

離唯君所之然後拭翠鳳之駕開日月之旗撞鳴鐘發雷

輜辨格澤之修竿決河漢之淋漓殲天狼之威弧墜魍魎

之霏霏赤松前驅彭祖後馳方明夾轂昌寓侍衣山靈秉

鉞而踞躄海若海神護蹕而參差風馭冉以縱變雲螭綏而

遲妮地軸軋軋殷以下折原隰草草朱本作草本儼而東飛岐

梁二閃倏涇渭反覆而天府載萬侯之玉尚方具左纛黃

屋已焜煌於山足矣乘輿尚鳴鸞輿儲精澹慮華蓋之大

杜文註解卷一

主 讀書堂

角低回皆旗幟北斗之七星皆去屆蒼山而信宿屯絕壁之

清曙既臻夫陰宮宮名犀象肆元南戈鋌悉宰飄飄蕭蕭洵

洵如也於是太一神之尊者抱式冬神司直天子迺宿祓齋

就登陟駢素虬超窮劣天語秘而不可知代欲聞而不可

得代謂後代柴燎上達神光充塞泥金乎菡萏之南華山有蓮花峰刻

石乎青冥之北上意由是茫然延降天老與之相識問太

微之所居稽上帝之遺則颯弭節以徘徊撫八紘而賦音滅

黑忽風翻而景倒澹殊狀而異色罔若褰祛開帷下辯宸

極者謂天若下久之雲氣翳以迴復山嘒嘒而未息用武帝嵩

鑿誠敬

岳三呼  
萬歲事  
祀事孔明有巖有翼神保是格時萬時億爾乃駐

飛龍之秋猶踰詔王屬以中休觀羣后於高掌之下山華

有巨靈掌巖張大樂於洪河之洲芬樹羽林莽不可收千人舞

萬人謳騏驎跋踈而在郊鳳凰蔚跋而來遊雷公伐鼓而

渾汗地祇被震而悲愁樂師拊石而具發激越乎遐陬羣

山爲之相嶮峽謂相摩萬穴爲之倒流又不可得載已久而景

移樂闕上悠然垂思曰嗟乎余昔歲封泰山禪梁父以爲

王者成功已纂終古嘗鑿前史至於周穆漢武豫遊寥關

亦所不取惟此西嶽作鎮三輔非無意乎頃者猶恐百姓

不足人所疾苦未暇瘳斯玉帛考乃鐘鼓是以視嶽於諸

侯錫神以茅土豈唯壯設險於甸服報西成之農扈亦所

以感一念之精靈答應時之風雨者矣今茲冢宰庶尹醇

儒碩生僉曰黃帝顓頊乘龍遊乎四海發軔匝乎六合竹

帛有云得非古之聖君而泰朱本華最爲難上故封禪之

事鬱沒罕聞以余在位發祥隕祉者焉可勝紀而不得已

遂建翠華之旗用塞雲臺之議矧乎殊方奔走萬國皆至

丕元從助清廟祖嶽歛也臣甫辨手蹈足曰大哉燦乎真

天子之表奉天爲子者已不然門數千萬載獨繼軒轅氏

杜文註解卷一

三 讀書堂

之美彼七十二君又疇能臻此蓋知明主聖罔不克正功

罔不克成放百靈歸華清

宮名

亦典亦真文情兼至登封頌功中藏調諫正義尤難子  
美真君子也○螻略廣大也怡僂舒徐也屈矯壯健也  
陸離文彩也○格澤星名黃白如炎火狀其見也不種  
而獲修竿其光綿亘也○列仙傳彭祖姓籙名鏗陸終  
氏仲子歷夏至殷末八百餘歲善導引行氣○縱矍高  
舉也螭縷委折也遲蚺動貌○崩勞音疾力高大峻險  
貌○天老以杜詩所引則謂三公也太微十星乃天子  
之宮庭○王屬謂百官杜詩用王命亦王所命官也○  
踰踰走貌○梁父泰山旁小山也封者增高也禪者廣  
厚也增泰山以報天禪梁父以報地○少皞以九扈為  
九農正扈民無淫○黃帝封泰山禪亭亭嶺項封泰  
山禪云云亭亭云云二山也○隕降也雲臺內禁地

畫馬讚

杜文註解卷一

畜讀書堂

韓幹畫馬毫端有神驊騮老大腰褭清新魚目瘦腦龍文  
長身雪垂白肉風蹙蘭筋逸態蕭疎高驤縱恣四蹄雷電  
一日天地御者閒敏去何難易愚夫乘騎動必顛躓瞻彼  
駿骨實惟龍媒漢訝燕市已矣茲哉但見駑駘紛然往來  
良工惆悵落筆雄才公自注穆天子傳飛  
兔驪裏口馳三萬里

數行內豪逸之致無窮○驊騮腰裏魚目龍文四  
駿馬名○蘭筋豎者千里馬謂目上痕如井字

唐興縣客館記

原註年譜云上元二年公在成都作  
唐興縣客館記按集中有簡王明府

詩鶴云遂州唐興縣宰王潛也公嘗為潛作唐興客  
館記蓋公時在成都遂州與成都俱屬劍南唐興在  
天寶初改為蓬溪  
此因其舊名耳

中興之四年王潛爲唐興宰脩厥政事始自繆寡惇獨而和其封內非侮循循不畏險膚而行而一咨於官屬於羣吏于衆庶曰邑中之政庶幾繕完矣惟賓館上陋下濕吾人猶不堪其居以容四方賓賓其謂我何改之重勞我其謂人何咸曰誕事至濟厥載則達觀於大壯作之閉閔作之堂構以永圖崇高廣大踰越傳舍通梁直走鬼將墜壓素柱上承安若泰山兩傍序開發洩雲露潛靚深矣步欄復雷萬瓦在後匪丹牖爲竇疎達爲迴廊南注又爲覆廊以容介行人亦如正館制度小劣直左階而東封殖脩竹

杜文註解卷一

五 讀書堂

茂樹挾右階於南環廊又注亦可以行步風雨不易謀而集事邑無妨工亦無匱財人不待子來定不待方中矣宿息井樹或相爲竇或與之毛天子之使至則曰邑有人焉某無以栗階

栗階義未詳豈階之爲厲訛寫乎

州長之使至則曰某非敢

竇也子無所用俎四方之使至則曰子貺某多矣敢辭費或曰明府君之侈也何以爲人皆曰我公之爲人也何以侈子徒見賓館之近夫厚不知其私室之甚薄

又轉一意器物

未備力取諸私室人民不知賦斂乃至於館之醞醢闕出於私厨使之乘駟闕辦於私廡君豈爲亭長乎是躬親也

若館宇不脩而觀臺榭是好賓至無所納其車我浩蕩無

所措手足

公每好用我字代所述者語也

獲高枕乎其誰不病吾人矣

瑕忽生何以爲之是道也施舍不幾乎先覺矣杖之友朋

歎曰

杖想謂友朋之老者扶杖而觀朱本作杜亦未妥

美哉是館也成人不知人

不怒癡署之福也府君之德也府君曰古有之也非吾有

也余何能爲是亦前州府君崔公之命也余何能爲是日

辛丑歲秋分大餘二小餘二千一百八十八杜氏之老記

已

本一作解署之福也府君之德也府君之德也解署之福也府君曰古有之也非吾有也余何能爲是亦前州

府君崔公之命也余何能爲是日辛丑歲秋分大餘二小餘二千一百八十八杜氏之老記

杜文註解卷一

壬 讀書堂

以質見姿似拙似滯而有古致總不欲墮流利尖巧一家後人學此種筆力不佳往往有畫虎之弊○末大餘

小餘即觀朱釋亦未明

雜述

杜子曰凡今之代用力爲賢乎進賢爲賢乎進賢賢乎則

魯之張叔卿孔巢父二才士者聰明深察博辯閎大固必

能伸於知已令聞不已任重致遠速於風颺也是何面目

黧黑常不得飽飯喫曾未如富家奴茲敢望縞衣乘軒乎

豈東之諸侯漢拒於汝乎豈新令尹之人未汝之知也由

天乎有命乎雖岑子薛子引知名之士月數十百填爾逆

旅請誦詩。浮名耳。勉之哉。勉之哉。夫古之君子知天下之不可蓋也。故下之知衆人之不可先也。故後之嗟乎叔卿。遣辭工於猛健。放蕩似不能安排者。謂不能順序入化以我爲聞人而已。以我爲益友而已。叔卿靜而思之。嗟乎巢父。執雖守常。吾無所贈。若以泰山冥冥。崑崙以高。泗水澌澌。瀾以清。悠悠友生。復何時會於王鎬之京。載飲我濁酒。載呼我爲兄。

意致俱不猶人。進叔卿以謙退規巢父。以濶大公真益友。

秋述

原註年譜云天寶十載公在京有秋述一首時霖雨積旬牆屋多壞西京尤甚

杜文註解卷一

壬 讀書堂

秋杜子臥病長安旅次。多雨生魚青苔。及榻。常時車馬之客。舊雨來。今雨不來。昔襄陽龐德公。至老不入州府。而揚子雲草玄寂寞。多爲後輩所襲。近似之矣。嗚呼。冠冕之窟。名利卒。卒。雖朱門之塗泥。士子不見其泥。矧抱疾窮巷之多泥乎。以不分明寓意詩多如此子魏子獨踽踽。然來汗漫。其僕夫。夫又不假蓋。夫夫本檀弓不見我病色。適與我神會。我棄物也。四十無位。子不以官遇我。知我處順故也。子挺生者也。無矜色。無邪氣。必見用。則風后力牧是已。歎王季友用此文章則子游子夏是已。無邪氣。故也得正始故也。作人作文俱要無邪氣得正始噫。所

不至於道者時或賦詩如曹劉談話及衛霍豈少年壯志  
未息俊邁之機乎似貶寔讚子魏子今年以進士調選名  
隸東天官告余將行既縫裳既聚糧東人怵惕筆札無敵  
謙謙君子若不得已知祿仕此始吾黨惡乎無述而止

古拙曲折似  
西京以上文

說旱

公自注初中丞嚴公節制劍南日奉此說○原  
註年譜云寶應元年公在成都上嚴武說旱時

嚴武爲成都尹節  
度劍南東西川

周禮司巫若國大旱則率巫而舞雲傳曰龍見而雲建已  
之月蒼龍宿之體昏見東方萬物待雨盛大故祭天遠爲

杜文註解卷一

天 讀書堂

百穀祈膏雨也今蜀自十月不雨抵建卯非雩之時奈久  
旱何得非獄吏只知禁繫不知疎決怨氣積冤氣盛亦能  
致旱是何川澤之乾也塵霧之塞也行路皆菜色也田家  
其愁痛也自中丞下車之初軍郡之政罷弊之俗已下手  
開濟矣文中不宜用俗字然  
公詩文多通用不拘百事冗長者又以革削矣獨

獄囚未聞處分豈次第未到爲獄無濫繫者乎穀者百姓  
之本百役是出況冬麥黃枯春種不入公誠能暫輟諸務  
親問囚徒除合死者之外下筆盡放使囹圄一空必甘雨  
大降但怨氣消則和氣應矣躬自疏決請以兩縣及府繫

爲始管內東西兩川各遣一使兼委刺史縣令對巡使同  
疏決如兩縣及府等囚例處分詳明衆人之望也隨時之

義也昔貞觀中歲大旱文皇帝親臨長安萬年二赤縣決

獄膏雨膏一本作足卽岳鎮方面歲荒札皆連帥大臣之

務也不可忽凡今徵求無名數又耆老合侍者合侍想老

孫侍兩川侍丁得異常丁乎不殊常丁賦斂是老男老女

死日短促也國有養老公遽遣吏存問其疾苦亦和氣合

應之義也時雨可降之徵也愚以爲至仁之人常以正道

應物天道奚近去人不遠錢本作天道

杜文註解卷一

完 讀書堂

東西兩川說朱云廣德二年

聞西山漢兵食糧者四千人皆關輔山東勁卒多經河隴

幽朔教習慣於戰守人人可用兼差堪戰子弟向二萬人

實足以備邊守險脫南蠻侵掠南詔烏蠻別種與吐蕃接後臣吐蕃卽雅子

弟不能獨制但分漢勁卒助之不足撲滅是吐蕃馮陵本

自足支也擗量西山卽雅兵馬卒叛援形勝明矣頃三城

失守陷於吐蕃罪在職司非兵之過也糧不足故也今此輩見

關兵馬使八州素歸心於其世襲刺史獨漢卒偏裨將主

之竊恐備吐蕃在羗漢兵小昵而釁隙隨之矣況軍足茲

吏減制未已哉。愚以速擇偏裨主之主之勢明其號令。一其刑賞申其哀恤。致其驩忻。宜先自羗子弟始。自漢兒易解人意而優勸旬月大浹洽矣。仍使兵羗各繫其部落刺史。分其黨而總以漢將真外馭妙用得自教閱都受統於兵馬使更不得使入州都管在一羗王或都關一世襲刺史是羗之豪族。此反難接然漢文往往有之發源有遠近世封有豪家紛然聚藩落之議於中肆與奪之權於外已然則備守之根危矣。又何以藉其爲本式遏雪嶺之西哉。比羗族封王者初以拔城之功得今城失矣。襲王如故總統未已。余諸董羗攘臂何想

杜文註解卷一

人董王相王尹之獄是矣。必有其事由策嗣羗王關王氏舊親爭封王。

西董族最高怨望之勢然矣。誠於此時便宜聞上使各自

統領不須王區分易制然後都靜聽取別於兵馬使不益

元戎氣壯部落無語。或朱本縱一部落怨獲羣部喜矣。作哉

無爽如此處分豈惟邛南不足憂八州之人願賈勇復取

三城不日矣。幸急擇公所素諳明於將者。朱作明了正色

遣之獠賊內編屬自久數擾背亦自久徒惱人耳憂慮蓋

不至大乎。昨聞受鐵券爵祿隨之。今聞已小動爲之奈何

若不先招諭也。穀貴人愁春事又起。緣邊耕種卽發精卒

討之甚易。恐賊星散於窮谷。溪林節度兵馬但驚散緣邊之人。供給之外未見免劫掠。從來邊兵之弊。坐此公已道盡。而還賃其地。

豪族兼有其地。而轉富蜀之土肥無耕之地。流冗之輩近

者交互其鄉村而已。遠者漂寓諸州縣而已。實不離蜀也。

大抵祇與兼并豪家力田耳。但鈞畝薄斂。則田不荒。以此

上供。王命下安。疲人可矣。豪族轉安。是非蜀仍禁豪族

受賃。罷人田管內最大。誅求宜約。富家辦而貧家創。瘠已

濇矣。方欲安豪族。又恐病貧家。語意纏綿難卽解。今富兒非不緣子弟職掌。盡

在節度衙府州縣官長手下哉。村正雖見面不敢示文書。

杜文註解卷一

三 讀書堂

取索非不知其家處。獨知貧兒家處。兩川縣令刺史有權

攝者。須盡罷免。苟得賢良。不在正授。權在進退。聞上而已。

洞中機宜之文。卽少陵之經濟可知。誰云迂濶少實用。

公意在諸羌分黨各屬而統以漢。將其未歸於散兼。

并擇委任。可謂馭邊之妙策。文之紆古似斷似續。臨宵西京。邛雅二州屬劍南道。末二句言不在正授。權攝只在行事守法。奉上得真賢良。

孫 丙謙 正字 丙厚

椰環子孚

滄陽張 潛上若評註

男 榕端樸園校訂

橋恒子久

乾元元年華州試進士策問五首

原註年譜云公時為華州司功參軍

問山林藪澤之地各以肥磽多少為差故供甲兵士徒之役府庫賜與之用給郊廟宗社之祀奉養祿食之出辨乎名物存乎有司是謂公賦知歸地著不撓者已今聖朝紹宣王中興之洪業於上庶尹備山甫補袞之能事於下而

杜文註解卷二

一 讀書堂

東寇猶小梗率土未甚闢總彼賦稅之獲盡贍軍旅之用供兵為害從古如此是官御之舊典關矣人神之攸序乖矣欲使軍

旅足食則賦稅未能充備矣欲將誅求不時則黎元轉罹於疾苦矣子等以待問之實知新之明觀志氣之所存於應對乎何有佇渴救敝之通術願聞強學之所措意蓋在此矣得游說乎

問國有輜車廬有飲食古之按風俗遺使臣在王官之一守得馳傳而分命蓋地有要害郊有遠近供給之比省費相懸今茲華惟襟帶關逼輦轂行人受辭於朝夕使者相

望於道路。屬年歲無蓄積之虞。職司有愁痛之歎。况軍書未絕。王命急宣。插羽先翥於騰鷹。敝帷不供於埋馬。豈芻粟之勤獨爾。實駢駢之價闕如人主之軫念屢及於茲。邦伯之分憂何嘗敢怠。乞恩難再。近日已降水衡之錢。積骨頗多。無暇更入燕王之市。欲使輶軒有喜。主客合宜。閭閻罷杼軸之嗟。官吏得從容之計。側佇新語。當聞濟時。

問。通道改澤。隨山濬川。經啓之理。疏奠之術。抑有可觀。其來尚矣。初。聖人盡力溝洫。有國作爲隄防。洎後代控引。淮海漕通。涇渭因舟楫之利。達倉庾之儲。又賴此而殷。亦行

杜文註解卷二

二 讀書堂

之自久。近者有司相土決彼支渠。旣潰渭而亂河。竟功多而事寢。人實勞止。岸乃善崩。遂使委輸之勤中道而棄。今軍用蓋寡。國儲未贍。雖遠方之粟大來。而助挽之車不給。是以國朝仗彼天使。徵茲水工。議下淇園之竹。

淇築河下淇園之竹

以爲更鑿商顏之井。

穿渠引洛水至商顏下岸善崩乃鑿井井下相通行水

又恐煩

費居多。績用莫立。空荷成雲之鋪。復擁填淤之泥。若然則舟車之用。大小相妨矣。軍國之食。轉致或闕矣。矧夫人煙尚稀。牛力不足者。已子等飽隨時之要。挺寶王之資。副乎

求賢敷厥謙議

問足食足兵先哲雅誥蓋有兵無食是謂棄之致能掉鞅

靡旌掉正也靡旌驅疾也用楚許伯致師事斯可用矣况寇猶作梗兵不可

去日聞將軍之令親覩司馬之法關中之卒未息灞上之

營何遠近者鄭南訓練城下屯集贍彼三千之徒有異什

一而稅竊見明發教以戰鬪亭午放其庸保課乃菽麥以

為尋常夫悅以使人是能用古伊歲則云暮實慮休止未

卜及瓜之還交比翳桑之餓用靈輒事羣有司自救不暇二三

子謂之何哉變格

問昔唐堯之為君也則天之大敬授人時十六升自唐侯

者已昔帝舜之為臣也舉禹之功克平水土三十登為天

子者已本之以文思聰明加之以勞身焦思既睦九族協

和萬邦黜去四凶舉十六相故五帝之後傳載唐虞之美

無得而稱焉易曰君子終日乾乾詩曰文王小心翼翼竊

觀古人聖哲未有不以君唱於上臣和於下致乎人和年

豐成乎無為而理者也主上躬純孝之聖樹非常之功內

則拳拳然事親如有闕外則悻悻然求賢如不及伊百姓

不知帝力庶官但此下恐遺一字恭已如無加之庶官恭己而已寇孽未平

咎徵之至數也倉廩采實物理之固然也今大軍虎步列

杜文註解卷二

國鶴立山東之諸將雲合淇上之捷書日至二三子議論

引正詞氣高雅則遺襖盪滌之後聖朝砥礪之辰雖遭明

主必致之於堯舜降及元輔必要之於稷高驅蒼生於仁

壽之域反淳朴於羲皇之上自古哲主立極大臣為體恥

然坦途利往何順子有說否庶復見子之志豈徒瑣瑣射

策趨競一第哉頃之問此謂舊時策對孝廉取備尋常之對多忽

經濟之體考諸詞學自有文章在束以徵事曷成凡例焉

今愚之粗徵貴切時務而已以下兼及鼓鑄積穀夫時患錢輕以至

於量資幣權子母鑄錢量資幣權輕重重幣母也輕幣子也代復改鑄或行乎

杜文註解卷二

四 讀書堂

前榆莢漢錢後契刀王莽錢當此之際百姓蒙利厚薄何人所

制輕重問何人所制為善輕重猶言優劣也又穀者所以阜俗康時聚人守

位者也下至十室之邑必有千鍾之藏苟凶穰以之貴賤

失度雖封丞相而猶困田千秋為丞相封富民侯侯大農而為何桑弘羊為

領大農治農都尉是以繼絕表微無或區分踰越蒙實不敏仁遠

乎哉蒙用吳下阿蒙事

奉謝口救放三司推問狀原註年譜云至德二載夏公至鳳翔上謁肅宗拜左

拾遺會房瑄以陳濤戰敗罷相公與瑄為布衣交上疏救瑄帝怒詔三司推問宰相張鎬揀之帝解就合

鎬宣口救宜放推問故有謝狀

右臣甫智識淺昧向所論事法近激許違忤聖旨既下有司具已舉劾甘從自棄就戮爲幸語質而古今日已時中書侍

郎平章事張鎬奉宣口救宜放推問知臣愚戇舍臣萬死

曲成恩造再賜骸骨臣甫誠頑誠蔽死罪死罪臣以陷身

賊庭憤惋成疾實從問道獲謁龍顏猾逆未除愁痛難過

猥廁袞職願少裨補竊見房瑄以宰相子少自樹立晚爲

醇儒有大臣體時論許瑄必位至公輔康濟元元陛下果

委以樞密衆望甚允觀瑄之深念主憂義形於色況畫一

保太素所蓄積者已而瑄性失於簡酷嗜鼓琴董庭蘭今

杜文註解卷二

五 讀書堂

之琴工庭蘭善沈聲祝聲蓋大小胡茄云遊瑄門下有日貧病之老依倚

爲非瑄之愛惜人情一至於玷汚臣不自度量歎其功名

未垂而志氣挫衲觀望陛下棄細錄大所以冒死稱述何

思慮始竟闕於再三陛下貸以仁慈憐其懇到不書狂狷

之過復解網羅之急是古之濶容直臣勸勉來者之意天

下幸甚天下幸甚豈小臣獨蒙全軀就列待罪而已無任

先懼後喜之至謹詣閣門進狀奉謝以聞謹進

至德二載六月一日宣義郎行在左拾遺臣杜甫狀奏

救瑄是公生平一大節○朱云甫與房瑄爲布衣交瑄以客董廷蘭罷宰相甫上疏言罪細不宜免大臣幸怒

詔三司推問宰相張鎬救之得解。○唐書韋陟除御史大夫會杜甫論房瑄詞意迂慢帝令陟與崔光遠顏真卿按之陟奏甫言雖在不失諫臣體帝由是疎之觀此則論救者不獨一張鎬矣。○錢云朱長文琴史云董廷蘭隴西人唐史謂其爲房瑄所昵數通賂謝爲有司劾治而房公由此罷去子美亦云庭蘭游瑄門下貧病之老依倚爲非而薛易簡稱庭蘭不事王侯散髮林壑者六十載貌古心遠意閑態和撫絃韻聲可以感鬼神矣天寶中給事中房瑄好古君子也庭蘭聞義而來不遠千里余因此說亦可以觀房公之過而知其仁矣當房公爲給事中也庭蘭已出其門後爲相豈能遽棄哉又賈謝之事吾疑諧瑄者爲之而庭蘭老朽豈能辨釋遂被惡名耳房公貶廣漢庭蘭詣之無愠色唐人有詩云七條絃上五音寒此樂求知自古難惟有開元房太尉始終留得董庭蘭按薛易簡以琴待詔翰林在天寶中子美同時人也其言必信伯原琴史千載而下爲庭蘭雪此惡名自其厚誣不獨正唐史之謬兼可補子美之闕矣

杜文註解卷二

爲遺補薦岑參狀

宣義郎試大理評事攝監察御史賜緋魚袋岑參右臣等竊見岑參識度清遠議論雅正佳名早上時輩所仰今諫諍之路大開獻替之官未備恭惟近侍實藉茂材臣等謹詣閣門奉狀陳薦以聞伏聽進止

至德二載六月十二日左拾遺內供奉臣裴薦等狀

右拾遺內供奉臣孟昌浩

右拾遺內供奉臣魏齊聃

左拾遺內供奉臣杜甫

為華州郭使君進滅殘寇形勢圖狀原註年譜云乾元元年夏公出

為華州司功七月有為華州郭使君作進滅殘寇形勢圖

右臣竊以逆束身檻中奔走無路尚假餘息蟻聚苟活之

日久謂安慶緒敗走鄴郡蔡希德等分道進勦軍聲復振陛下猶覲其匍匐相率降

欵盡至廣務寬大之本用明惡殺之德故大軍雲合蔚然

未進上以稽王師有征無戰之義下以成古先聖哲之用

心茲事之遠非愚臣所測臣聞易載隨時不俟終日先王

之用刑也抑亦小者肆諸市朝大者陳諸原野今殘孽雖

杜文註解卷二

七 讀書堂

窮蹙日甚自救不暇尚慮其逆帥望秋高馬肥之便蓄突

圍拒輒之謀大軍不可空勤轉輸之粟諸將宜窮犄角之

進項者河北初收數州思明降表繼至實為平盧兵馬在

賊左脅賊動靜之利制不由己則降附可知今大軍盡離

河北逆黨意必寬縱若萬一軼略河縣草竊秋成臣伏請

平盧兵馬及許叔冀青登節度使等軍鄆州西北渡河先衝收

魏或近軍志避實擊虛之義也伏惟陛下圖之遣李銑淮西

節度殷仲卿青州刺史孫青漢等軍遷迤渡河佐之收其貝博賊

之精銳撮在相魏衛之州賊用仰魏而給賊若抽其銳卒

渡河救魏博臣則請朔方郭子儀伊西北庭李嗣業等軍渡泗

水收相衛賊若迴戈距我兩軍臣又請郭口祁縣等軍募

嵐馳屯據林慮縣界候其形勢漸進又遣季廣琛鄭蔡節度

吳淮西節度等軍進渡河收黎陽臨河等縣相與出入犄角逐

便撲滅則慶緒之晉可翹足待之而已是亦恭行天罰豈

在王師必無戰哉愚臣聞見淺狹承乏待罪未精慎固之

守輕議擒縱之術抑臣之夢寐貴有裨補謹進前件圖如

狀伏聽進止乾元元年七月日某官臣狀進

遣帥分兵犄角互進算無遺策雜謂公不長於經濟○平盧在幽燕之東故曰左脅○鄆州隋東平郡縣屬河

杜文註解卷二

八 讀書堂

南道魏州漢魏郡元城縣地屬河北道時為安所據○

貝州隋清河郡博州隋武陽郡之聊城縣相州漢魏郡

衛州隋汲郡俱屬河北道○沁水在澤州嵐州即嵐城

縣屬河東道林慮屬相州黎陽屬衛州臨河屬相州

為閬州王使君進論巴蜀安危表原註年譜云廣德元年公在閬州按

集中有王閬州筵及陪王使君晦日泛江諸詩

臣某言伏自陛下平山東收燕薊洎海隅萬里百姓感動

喜王業再造瘡痍蘇息陛下明聖社稷之靈以至於此然

河南河北貢賦未入江淮轉輸異于曩時唯獨劍南自用

兵以來稅歛則殷部領不絕瓊林諸庫仰給是多是蜀之

土地膏腴物產繁富足以供王命也近者賊臣惡子頻有

亂常巴蜀之人橫被煩費猶自勸勉充備百役不敢怨嗟吐蕃今下松維等州成都已不安矣楊琳師再脅普合普合

二州俱屬劍南道顓顓兩川不得相救百姓騷動未知所裁況臣

本州山南所管初置節度庶事草創豈暇力及東西兩川

矣伏願陛下聽政之餘料巴蜀之理亂審救援之得失定

兩川之異同問分管之可否度長計大速以親賢出鎮哀

罷人以安反仄犬戎侵軼羣盜窺伺庶可遏矣而三蜀大

府也徵取萬計陛下忍坐見其狼狽哉不卽為之臣竊恐

蠻夷得恣屠割耳實為陛下有所痛惜必以親王委之節

杜文註解卷二

九 讀書堂

鉞與房琯所建正同此古之維城盤石之義明矣陛下何疑哉在

選擇親賢加以醇厚明哲之老為之師傅則萬無覆敗之

跡又何疑焉其次付重臣舊德智略經久舉事允愜不隕

穫於蒼黃之際臨危制變之明者觀其樹勲庸於當時扶

泥塗於已墜整頓禮體竭露臣節必見方面小康也今梁

州既置節度與成都足以久遠相應矣東川更分管數州

於內幕府取給按東川與山南接壤山南既增節度東川兵馬便可并付西川減省幕府繁費破

弊滋甚若兵馬悉付西川梁州益坦坦字似訛為聲援是重歛

之下免出多門西南之人有活望矣必以戰伐未息勢資

多軍應須遣朝廷任使舊人授之使節言雷後無益留後之寄綿歷歲時非所以塞眾望也言雷後無益臣于所守封界連接梓州正

可為成都東鄙其中別作法度亦不足成要害哉徒擾人矣伏惟明王裁之勅天下徵收赦文減省軍用外諸色雜賦名目伏願損之又損之劍南諸州亦因而復振矣將相之任內外交遷西川分壺以仗賢俊愚臣特望以親王總戎者意在根固流長國家萬代之利也敢輕易而言次請慎擇重臣亦願任使舊人鎮撫不缺借如犬戎俶擾臣素知之臣之兄承訓自沒蕃以來長望生還偽親信于贊普

杜文註解卷二

十 讀書堂

探其深意者報復摩彌國名青海之役決矣同謀誓眾於前後沒落之徒曲成翻動陰合應接積有歲時每漢使回蕃使至帛書隱語累嘗懇論臣皆封進上聞屢達臣兄承訓憂國家緣邊之急願亦勤矣況臣本隨兄在蜀向二十一年兄既辱身變夷相見無日臣比未忍離蜀者望兄消息時通所以戮力邊隅累踐班秩補拙之分淺待罪之日深蜀之安危敢竭聞見臣子之義貴有所盡於君親愚臣迂闊之說萬一少裨聖慮遠人之福也愚臣之幸也昨竊聞諸道路云吐蕃已來草竊岐隴逼近咸陽似是之間憂憤

隕迫益增尸祿寄重之懼寤寐報効之懇謹冒死具巴蜀成敗形勢奉表以聞

為夔府柏都督謝上表

原註年譜云大曆元年公至夔州時柏中丞為夔州都督

公嘗為作謝上表按集中有陪柏中丞觀宴將士等詩

臣某言伏奉月日制授臣某官祇拜休命內顧殞越策駑馬之力冒累踐之寵自數勲力萬無一稱再三怵惕流汗至踵謹以其月日到任上訖臣某誠戰誠懼頓首頓首死罪死罪伏以陛下君父任使之久掩臣子不逮之過就其小效復分深憂察臣劍南區區恐失臣節如彼加臣頻煩階級鎮守要衝如此勉勵疲鈍伏揚陛下之聖德愛惜陛下之百姓先之以簡易間之以樂業均之以賦歛終之以敦勸然後畢禁將士之暴弘洽主客之宜示以刑典難犯之科寬以困窮計無所出哀今之人庶古之道語樸而義盡表體正難此古茂內救惇獨外攘師寇上報君父曲蓋庸拙之分下循臣子勤補失墜之目灰粉骸骨以備守官伏惟恩慈胡忍容易愚臣之願也明主之望也限以所領未遑謁對無任兢灼之極謹遣某官奉表陳謝以聞臣誠喜誠懼死罪死罪

杜文註解卷二

十一 讀書堂

罪

前殿中侍御史柳公紫微仙閣書太一天尊圖文

石鼈老放神乎始青之天遊目乎浩劫之家冷泠然馭乎

風熙熙然登乎臺進而俯乎寒林退而極乎延閣閣名見龍

虎日月之君亘于疎梁塞于高壁骨者鬣者皙者黝者視

遇之間若巖寇敵者已伊四司五帝天之徒青節旗也崇然

綠輿駢然仙宮泊鬼官無央即無窮數眾陽者近陰者遠俱

浮空不定目所向如一蓋知北闕帝君老君之尊端拱侍衛

之內于天上最貴矣已而左玄之屬吏三洞弟子某天師弟子

進曰經始續事前柱下史河東柳涉職是樹善損于而家

杜文註解卷二

十一 讀書堂

憂于而國剝私室之匱渴蒸人之安志所至也請梗槩帝

君救護之慈朝拜之功曰若人存謂老子思我主籙我字作老子語

氣公往往如此用生之根死之門我則制伏妖之興毒之騰凡今

之人反側未濟柳氏柱史也立乎老君之後獲隱嘿乎忍

塗炭乎先生即石鼈老與道而遊與學而遊可上以昭太一之

威神于下下以昭柱史之告訴于上玉京之用事也率土

之發祥也惡乎寢而庸詎仰而先生石鼈老藐然若往頽然

而止曰噫夫鳥亂于雲魚亂于水是畢弋鉤罟削格之智

生是機變邀退攫拾之智極故自黃帝已下干戈崢嶸流

血不乾骨蔽乎原乖氣橫放淳風不返雖書載蠻夷率服

詩稱徐方大來許其慕中夏與夫容成氏中央氏尊盧氏

輩結繩而已百姓至死不相往來茲茂德困矣此段言上古朴野之

治不矧賢主趣之而不及庸主聞之而不曉浩穰崩蹙數

千古哉至使世之仁者蒿目而憂世之患有是夫今聖主

誅干紀康大業物尚疵癘戰爭未息言歸于正必揆當世之變

日慎一日衆之所惡與之惡衆之所善與之善勅有司寬

政去禁問疾薄斂修其土田險其走集以此馭賊臣惡子

自然百祥攻百異有漸天下洵洵何其撓哉已登乎種種

杜文註解卷二

三 讀書堂

之民舍夫嗔嗔之意是巍巍乎北闕帝君者肯不乘道腴  
卷黑簿詔北斗削死南斗注生與夫圓首方足施及乎蠢  
蠕之蟲肖翹之物盡驅之更始何病乎不得如昔在太宗  
之時哉石鼈老畢辭三洞弟子某又某靜如得動如失久  
而却走不敢貳問

能暢老氏之學每於生處拙處見致此亦少陵所獨。

道家之源出于老子上處玉京為神王之宗下在紫微

為飛仙之主。石鑿谷在萬年縣三天有清微天其氣

始青浩切謂累代也。削格所以設羅網者。嗔嗔謂

朴野黑簿  
罪簿也

祭遠祖當陽君文

原註年譜云開元二十九年公在河南祭遠祖于洛之首陽按晉鑑

南將軍當陽侯杜預字元凱乃公之十三世祖也

維開元二十九年歲次辛巳月日十三葉孫甫謹以寒食

之奠敢昭告于先祖晉駙馬都尉鎮南大將軍當陽成侯

謚曰成之靈初陶唐出自伊祁聖人之後世食舊德降及武

庫應乎虬精恭聞淵濶罕得窺測勇功是立智名克彰繕

甲江陵禳清東吳建侯于荆邦于南土河水活活造舟為

梁洪濤奔汜未始騰毒春秋主解彙隸躬親嗚呼筆跡流

宕何人蒼蒼孤墳獨出高頂靜思骨肉悲憤心胃峻極于

天神有所降不毛之地儉乃孔昭取象邢山全模祭仲多

杜文註解卷二

古 讀書堂

藏之誠焯序前文小子築室首陽之下不敢忘本不敢違

仁庶刻豐石樹此大道論次昭穆載揚顯號于以采藝于

彼中園誰其尸之有齊列孫齊作齋用三百篇成句嗚呼敢告茲辰

以永薄祭尚饗

樸而雅。杜預在內損益萬機朝野美之號杜武庫。預醉臥嘔吐人窺于戶見一大蛇垂頭而吐是日虬精

。造舟為梁言預以孟津渡時恐有水患請建河橋于富平津橋成帝臨舉觴屬預曰非君此橋不立也。預

孰思贖籍為春秋左氏經傳集解。杜預筆跡不知流宕後世何人收之故曰流宕何人。全模祭仲密縣有

鄭祭仲墓預臨卒遺令後人域兆取法于鄭大夫欲以儉自完棺器小斂之事皆當稱此

祭外祖祖母文

維年月日外孫滎陽鄭宏之京兆杜甫謹以寒食庶羞之奠敢昭告于外王父母之靈嗚呼外氏當房祭祀無主伯道何罪元陽誰撫緬惟夙昔追思艱窶當太后秉柩內宗

如縷紀國則夫人之門舒國則府君之外父聿以生居貴

戚釁結狂豎公外家當天后時父母以讒害下獄而外王母能盡孝紀此一事自足以傳雌伏

單棲雄鳴折羽憂心惓惓獨行踽踽悲夫逝景分飛忽聞

于鳳凰咄彼讒人有詞異于鸚鵡初我父王之遭禍我母

妃之下室謂下請室澆狂殊塗酷吏同律夫人于是布裙扉屢

提餉潛出昊天不傭退藏于密久成凋瘵溘至終畢蓋乃

杜文註解卷二 五 讀書堂

事存于義陽之誅名播于燕公之筆嗚呼哀哉宏之等從

母昆弟兩家因依弱歲俱苦茲顏永違豈無世親不如所

愛豈無舅氏不知所歸誓以徧往測戀光輝漸漬相勗居

諸造微即式微意幸遇聖主願發清機以顯內外何當奮飛洛

城之北邛山之曲列樹風煙寒泉珠玉千秋古道王孫去

兮不歸三月清天春草萋兮增綠頃物將牽累事未遂欲

使淚流頓盡血下相續者矣捧奠遲迴炯心依屬庶多載

之灑掃循茲辰之軌躅

此等古茂之章今人亦不能讀○鄧伯道無兒○元陽當作陽元少孤為外氏所養○紀國舊書紀王填太宗

第十子趙王貞敗慎亦下獄卒慎次子沂州刺史義陽王琮等五人垂拱中竝遇害中興初追復官爵張燕公作義陽王碑曰初永昌之難王下河南獄妃錄司農寺准有崔氏女扉屢布衣往來供饋徒行額色傷動人倫中外咨嗟目爲勤孝按碑則公之外母紀王之孫義陽之女也故曰紀國則夫人之門又曰名播于燕公之筆也公母崔氏此爲明徵范陽太君誌稱冢婦盧氏其爲傳寫之誤無疑矣燕公碑文又述義陽二子長曰行遠以冠就戮次曰行芳以童當捨芳啼號抱行遠乞代兄命旣不見聽因求同盡西南傷之稱爲死悌季子行保泣血上請迎喪歸葬○舒國舒王爲高祖第十八子永昌年與子甯俱爲田神勸所陷繫獄死後贈司徒曰府君之外父者蓋舒國爲府君外王父也

### 祭故相國清河房公文

原註年譜云廣德元年公在閬州有祭故相國房公文按

唐史房瑄字次律玄宗幸蜀拜爲相肅宗卽位靈武瑄請自將平賊戰于陳濤斜敗績遂罷相守邠州繼

### 杜文註解卷二

六 讀書堂

歷晉漢二州刺史廣德元年召拜刑部尚書道病卒贈太尉又按公集中有承聞房公靈輿自閬州啓殯歸葬東都詩鶴云按舊史房公以廣德元年八月四日卒于閬州僧舍而權瘞于彼時公在閬州有祭文明年春晚有別房公墓詩又明年爲永泰元年房公啓殯時公在雲安故有承聞房公歸葬東都之作

維唐廣德元年歲次癸卯九月辛丑朔二十二日壬戌京

兆杜甫敬以醴酒茶藕蓴鯽之奠奉祭故相國清河房公

之靈曰嗚呼純朴旣散聖人又歿苟非大賢孰奉天秩唐

始受命羣公間出君臣和同德教充溢魏杜行之夫何畫

一婁宋繼之不墜故實百餘年間見有輔弼及公入相紀

綱已失將帥干紀烟塵犯闕王風寢頓神器圯裂關輔蕭

條乘輿播越太子卽位揖讓謂李輔國也羣小臣用權尊貴倏忽

公實匡救忘餐奮發梟抗直詞空聞泣血數語該括舍委蓄

時遭禳疹國有征伐車駕還京朝廷就列盜次律心事已明用意甚妙

本乘弊誅終不滅高義沉埋赤心蕩折貶官厭路謂貶暗以厭足

當路之讒口到骨謂肅宗入賀蕭進明之藩致君之誠在困彌切痛哉天道

濶遠元精沱珠偶生賢達不必濟會明明我公可去時代言不可去時代也

賈誼慟哭雖多顛沛仲尼旅人自有遺愛二聖肅宗

崩日二聖五宗肅宗長號荒外後事所委不在臥內言未得為肅宗託孤因

循寢疾憔悴無悔死矢泉塗激揚風槩天柱旣折安仰翊

杜文註解卷二 七 讀書堂

戴地維則絕安放夾載豈無羣彥我心忉忉不見君子逝

水滔滔惜慕之極泄涕塞谷吞聲賊壕有車爰送有緋爰操撫

墳日落脫劍秋高我公戒子瑄子孺為刺史無作爾勞斂以素帛

付諸蓬蒿身瘞萬里家無一毫數子哀過他人鬱陶水漿

不入日月其恂州府救喪一二而已人情如此自古所嘆罕聞

知已曩者書札望公再起今來札數爲態至此先帝松柏

故鄉粉梓靈之忠孝氣則依倚拾遺補闕視君所履公初

罷印人實切齒甫也備位此官蓋薄劣耳見時危急敢愛

生死點明救瑄事君何不聞君謂肅宗刑欲加矣伏奏無成終身愧

恥乾坤慘慘豺虎紛紛蒼生破碎諸將功勲城邑自守鼙鼓相聞山東雖定灞上多軍憂恨展轉傷痛氤氳豈正色白亦不分謂不分黑白數語說盡賞罰不明培塿滿地崑崙無羣致祭者酒陳情者文何當旅覩得出江雲嗚呼哀哉尙饗

時舍時露用意婉至此少陵第一首文蓋人遇知己其情既篤其文自佳房次律建分王帝胄之議爲祿山所畏公深推慕復以救琯左遷乃生平最大之事故此文亦生平最得意之文細看此文方知錢註杜於房杜相交及杜以諫貶幽憤諸詩之確讀蒼生諸將八字則知錢註洗兵馬及謂杜每不滿於肅宗偏愛靈武諸臣之論甚確唐詩紀事司空圖謂于美祭房太尉文大白佛寺碑贊宏振清厲乃其歌詩也

唐故萬年縣君京兆杜氏墓誌

原註年譜云天寶九年公在河南誌萬年

杜文註解卷二

大 讀書堂

縣君京兆杜氏墓按縣君公之姑也又按公范陽人君墓誌云縣君適河東裴榮期榮期嘗爲濟王府錄事

甫○以○世○之○錄○行○跡○示○將○來○者○多○矣○大○抵○家○人○賄○賂○詞○客○阿○諛○真○僞○百○端○波○瀾○一○揆○說盡後世石誌之弊夫載筆光苾於金石作

程○通○達○於○神○明○立○德○不○孤○揚○名○歸○實○可○以○發○皇○后○則○標○格○

女○史○竊○見○於○萬○年○縣○君○得○之○矣○其○先○系○統○於○伊○祁○分○姓○於○

唐○杜○在虞爲陶唐氏在周爲唐杜氏吾祖也我知之遠自周室迄於聖代

傳○之○以○仁○義○禮○智○信○列○之○以○公○侯○伯○子○男○春○秋○傳○云○穆○叔○

謂○之○世○祿○其○在○茲○乎○曾○祖○某○失名河○內○郡○司○功○獲○嘉○縣○令○

王文某

名依藝

皇朝監察御史洛州鞏縣令前朝咸以士林

取貴宰邑成名考某

名審言

脩文館學士尚書膳部員外郎

天下之人謂之才子兄升國史有傳縉紳之士誅為孝童

以其報父仇也見祖母盧氏誌中

故美玉多出於崑山明珠必傳於滄海

蓋縣君受中和之氣成肅雍之德其來尚矣作配君子實

惟好仇河東裴君諱榮期見任濟王府錄事叅軍入在清

通同行領袖素髮相敬朱紱有光縣君既早習於家風以

陰教為己任執婦道而純一與禮法而始終可得聞也昔

舅歿姑老承順顏色侍歷年之寢疾力不暇於須臾苟便

於人皆在於手淚積而形骸奪氣憂淡而中櫛生塵

杜文註解卷二

九 讀書堂

謂不暇盥沐也尊卑之道然固出自於天性孝養哀送各流稱仰允所

謂能循法度則可以承先祖供給祭祀矣維其矜莊門戶

節制差服裁制親疎之禮功成則運有若四時物或猶乖匪踰終

日誌婦道着此奧語黼畫組就之事割烹煎和之宜規矩數及於

親姻脫落頗盈於歲序不拘拘校量若其先人後已上下敦睦

懸磬知歸邸窮揖讓惟久在嫂叔則有謝氏光小郎之才於

娣姒則有鍾琰洽介婦之德周給不礙於親疎泛愛無擇

於良賤至如星霜伏臘軒騎歸寧慈母每謂於飛來幼童

於良賤至如星霜伏臘軒騎歸寧慈母每謂於飛來幼童

方生乎感悅。加以詩書潤業。道誘爲心。遏悔吝於未萌。驗是非於往事。內則致諸子於無過之地。外則使他人見賢而思齊。爰自十載已還。默契一乘之理。絕葷血於禪味。混出處於度門。喻筏之文字。不遺開卷而音義皆達。毋儀用事家相遵行矣。至於膳食滑甘之美。鞞結縫線之難。展轉忽微。欲叅謀而縣解。指麾補合。猶取則於垂成。此亦人所不能形容其積行累功。不爲薰脩所住。著有如此者。謂其不溺於佛教也靈山鎮地。長吐煙雲。德水連天。自浮星象。則其著心定惠。豈近於揚摧者哉。言非關獎飾越天寶元年某月八日。終於東京仁

杜文註解卷二

二 讀書堂

風里春秋若干。示諸生滅相。越六月二十九日。遷殯於河南縣平樂鄉之原。禮也。嗚呼哀哉。琴瑟罷聲。蘋蘩晦色。骨肉號兮天地感。中外痛兮鬼神恻。有子長曰朝列。次朝英。北海郡壽光尉。次朝牧。女長適獨孤氏。次閻氏。皆稟自胎教。成於妙年。厥初寢疾也。惟長女在列。英牧或以遊。以宦莫獲。同曾氏之元。申號而不哭。傷斷鄰里。悠哉少女。未始聞哀。又足酸鼻。嗚呼。縣君有語曰。可以褐衣斂。吾起塔而葬。起塔從佛教也裴公自以從大夫之後。成縣君之榮。愛禮實淡。遺意蓋闕。但褐衣在斂。而幽隧爰封。其所厭飾。咸遵儉素。

謂裴公以禮葬之不遵起塔 眷茲邑號未降天書各有司存成之不日

嗚呼哀哉有兄子曰甫制服於斯紀德於斯刻石於斯或

曰豈孝童之猶子歟奚孝義之勤若此甫泣而對曰非敢

當是也亦為報也甫昔臥病於我諸姑意公之母早公姑而有於姑也

之子又病問女巫巫曰處楹之東南隅者吉此段尤敘得明切入情

姑遂易子之地以安我我自存而姑之子卒後乃知之

於走使甫嘗有說於人客將出涕感者久之相與定謚曰

義君子以為魯義姑者遇暴客於郊抱其所攜棄其所抱

以割私愛縣君有焉是以舉茲一隅昭彼百行銘而不韻

杜文註解卷二 主 讀書堂

蓋情至無文體得其詞曰嗚呼有唐義姑京兆杜氏之墓

誰能敘閨中事入如許淺致語少陵之文本自過人反以詩揜語藻而氣質闕處敘事尤真古人一飯之德

不忘杜陵有焉其人足法也○嫂叔二句王疑之妻謝道韞每值叔獻之與客談理詞屈輒以步障自蔽代獻

之論客不能屈王渾妻鍾琰雖貴門與弟妹郝氏相親○佛家惟有一乘法無二無之○度門佛有八萬四千

諸度法門○莊子以有繫者為縣則無繫者縣解也○廡陳輿服於庭也○齊攻魯至郊見婦人棄子抱姪遂

回軍曰婦人猶持節行况朝廷乎

唐故范陽太君盧氏墓誌 原註年譜云天寶三載五月五日公之祖母范陽太

君盧氏卒於陳留之私第按公之祖審言前娶薛氏再娶盧氏以八月旬有一日歸葬河南鄆師公作墓誌

誌

五代祖柔，隋吏部尚書容城侯。大父元懿，是渭南尉。父元哲，是廬州慎縣丞。維天寶三載五月五日，故脩文館學士著作郎京兆杜府君諱某之繼室范陽縣太君盧氏卒於陳留郡之私第。春秋六十有九，嗚呼！以其載八月旬有一日，發引歸葬於河南之偃師。以是月三十日庚申，將入著作之大塋，在縣首陽之東原。我太君用甲之穴禮也。墳南去大道百二十步，奇三尺。北去首陽山二里。凡塗車芻靈，設熬置銘之名物，加庶人一等。蓋遵儉素之遺意，塋內西北去府君墓二十四步，則壬甲可知矣。遣奠之祭畢，一二

杜文註解卷二

三 讀書堂

家相進曰：斯至止，將欲啓府君之墓門，安靈輓於其右。豈厥飾未具，時不練歟？言皆具且練故作語問前夫人薛氏之合葬也。

豈盧太君先合葬前夫人耶初，太君令之諸子受之流俗難之。太君易

之，今茲順壬取甲，又遺意焉。嗚呼！孝哉！孤子登號如嬰兒，視無人色。且左右僕妾，洎廝役之賤，皆蓬首灰心，嗚呼！流

涕。寧或一哀所感，片善不忘而已哉！實惟太君積德以常臨下，以怒如地之厚，縱天之和，運陰教之名數，秉女儀之

標格，嗚呼！得非太公之後，必齊之姜乎？姜氏封於盧以國爲氏出范陽薛

氏所生子適曰某。名故朝儀大夫兖州司馬次曰升。升唐書作

并幼卒報復。父讐國史，有傳次曰：專歷開封尉，先是不祿。息女長適鉅鹿魏上瑜，蜀縣丞。次適河東裴榮，期濟王府。

祿事。次適范陽盧正均，平陽郡司倉參軍。嗚呼！三家之女，

又皆前卒，而某等夙遭內艱，有長自太君之首者。首與手，杜集每

通至於婚姻之禮，則盡是太君主之慈恩。穆如人或不知

者，咸以為盧氏之腹生也。然則某等亦不無平津孝謹之

名於當世矣。漢公孫弘養後母孝謹，後為丞相封平津侯。登即太君所生，前任

武康尉。二女曰適京兆王佑，任硤石尉。曰適會稽賀撫，卒

常熟主簿。其往也既哭成位，有若冢婦同郡盧氏。朱云當作清河

杜文註解卷二

重 讀書堂

崔介婦榮陽鄭氏，鉅鹿魏氏京兆王氏女。通諸孫子。謂所生子女

通男孫計之，三十人。內宗外宗，寢以疎濶者，或玄纁玉帛，自他

日互有所至。若以為杜氏之葬，近於禮而可觀，而家人亦

不敢。謂不敢當知禮名。以特繼年式志之金石銘曰：

太君之子朝議所尊，貴因長子澤就私門。毫邑之都終天

之地，享年不永，歿而猶視。

潔質不支。○升復父仇，審言貶授吉州司戶參軍。與州

僚不協，司馬周季重與員外司戶郭若訥共搆審言，罪

狀繫獄。將因事殺之，既而季重等府中酣讌，審言子并

年十三，懷刃以擊之。季重中傷死，而并亦為左右所殺。

季重臨死曰：我不知審言有孝子。郭若訥誤我至此，審

言因此免官。士人咸哀并孝烈，蘇頌為墓誌，劉允濟為

祭文。錢曰：此誌代其父開作也。薛氏所生子曰開，曰專。大君所生子曰登，誌曰某等。夙遭內艱，有長自太君之手者，知其代父作也。又曰：并幼卒，專先是不祿，則知開尚無恙也。元誌云：開為奉天令，是時尚為兗州司馬。開之卒，蓋在天寶間，而其年不可考矣。公母崔氏，此王家婦。盧氏，盧字訛，以祭外祖。父母文及張燕公、義陽王。碑考之為崔，甚明，而作年譜者曲為之說，曰：先生之母，微故歿而不書，或又大書於世系，曰：母盧氏生母崔氏。其敢為誕妄如此。

唐故德儀 玄宗 贈淑妃皇甫氏神道碑 原註年譜云天寶四載公

在齊州作開元皇帝皇甫淑妃墓碑。碑云：淑妃生鄂王瑤，臨晉公主公主下嫁，榮陽鄭潛曜妃。薨後，歲陽載紀潛曜下教邑司爰度碑版。又按鄭有園亭在河南新安縣公集中，有鄭駙馬宴洞中及重題東亭詩。又有鄭駙馬池臺。遇鄭廣文同飲詩。

杜文註解卷二 讀書堂

后妃之制古矣，而軒轅氏、帝嚳氏、次妃之跡，最有可稱，存乎舊史。然則其義隱其文略。周禮王者內職大備，而陰教宣。詩人關雎風化之始，樂得淑女，蓋所以教本古訓，發皇婦道。居具燕寢之義，動有環珮之節，進賢才以輔佐君子，不淫色以取媚閨房。雖彤管之地，功過必紀，而金屋之寵，流宕一揆。 言寵妃靜正者少 稽女史之華實，嗣嬪則之清高，亦時有其人。偉夫精選淑妃，諱某，姓皇甫氏，其先安定人也。惟高 即契字 封商於赫有光，伊亓祖樹德 謂湯 於今不忘，必宋之子，莫之與比。伊清風繼代，惠止餘美，夫其係緒蕃衍，絃冕

所興列爲公侯古有皇甫充石則其宗可知也夫其體元消息經術之美刊正帝圖中有丕晏先生晉皇甫謐則其家可

知矣嗟乎我有奕葉公傳文好承權輿矣我有嶽猷展肅

雍矣積羣玉之氣自對白虹之天生五色之毛不離丹鳳

之穴曾祖烜皇朝宋州刺史祖粹皇朝越州刺史都督諸

軍事父日休皇朝左監門衛副率妃則副率府君之元女

也粵在襁褓體如冰雪氣象受于天和詩禮傳乎胎教故

列我開元宗神武之嬪御者豈易其容止法度哉今上宗

昔在青宮之日詔詰錢本作詰良家女擇視可否充備淑哲太

杜文註解卷二

五 讀書堂

妃以內秉純一外資沈靜明珠在蚌水月鮮白美玉處石

崖津潤澤結禱而金印相輝同輦而翠旗交影由是恩加

婉順品列德儀德儀內官正二品雖掖庭三千爵秩十四掩六宮

以取俊超羣女以見賢豈渥澤之不流曾是不敢以露才

揚已卑以自牧而已夫如是言足以厚人倫化風俗彌縫

坤載之失夾輔元亨之求坤元亨利嗚呼彼蒼也常與善

何有初也不久好此處疑有脫誤奈何況妃亦既違疾怙如慮往

上以之服事最舊佳人難得送藥必經于御手見寢始起

于天步月氏使者空說返魂之香漢帝夫人終痛歸來之

像以開元二十三年歲次乙亥十月癸未朔薨於東京某  
宮院春秋四十有二嗚呼哀哉望景向夕澄華微陰風驚  
碧樹霧重青岑天子悼履綦之蕪絕惜脂粉之凝冷下麟  
鳳之銀牀到梧桐之金井嗚呼哀哉厥初權殯于崇政里  
之公宅後詔以某月二十七日己酉卜葬於河南縣龍門  
之西北原禮也制曰故德儀皇甫氏贊道中壺肅事後庭  
孰云疾疢奄見凋落永言懿範用愴于懷宜登四妃之列  
式旌六行之美可冊贈淑妃喪須竝官供言喪事所須  
竝宜官供河  
南尹李適之充使監護非夫清門華胄積行累功序於王

杜文註解卷二

三 讀書堂

者之有始有卒介於嬪御之不僭不濫是何存榮歿哀視  
有遇之多也謂遇恩  
獨多有子曰鄂王諱瑤兼太子太保使持  
節幽州大都督事有故在疚而卒豈無樂國今也則亾匪  
降自天云何吁矣有女曰臨晉公主出降代國長公主子  
榮陽潛曜官曰光祿卿爵曰駙馬都尉昔王儉以公主恩  
尚帝女爲榮儉母齊武  
康公主何宴兼關內侯何宴進孫長於宮  
省尚金鄉公主得  
封列是亦晉朝歸美公主禮承於訓孝自於心霜露之感  
形於顏色享祀之數缺于灑掃嘗戚然謂左右曰自我之  
西歲陽載紀彼都之外道理遐絕聖慈有蓬萊之深異縣

有松檟之阻。思欲輕舉安得。黃鵠未議。巡豫徒瞻。白雲望關。寒之風烟。尋常涕泗。懷伊川之陵谷。恐懼遷移。于是下教邑司爰度碑版。以鄭駙馬相託此假自不可少甫忝鄭莊之賓。客遊寶主之園林。又及已身以白頭之稽阮。豈獨步於崔蔡。而野老何知斯文。見託公子泛愛。公子謂潛懼壯心未已。不論官闕。游夏入文學之科。兼敘哀傷。顏謝有后妃之誄。銘曰。

積氣之清。積陰之靈。漢曲迴月。高堂麗星。驚濤洶洶。過雨冥冥。洗滌蒼翠。誕生娉婷。一婉彼柔惠。迥然開爽。綢繆之故。昔在明兩。恩渥未渝。康哉大往。展如之媛。孰與爭長。

杜文註解卷二

毛讀書堂

二 珩珮是加。翬褕克備。先德後色。累功居位。壺儀孔修。

宮教咸遂。王子獎飾。子朱作於未是禮亦尊異。三小苑春深。離

宮夜逼。花間度月。同輦未歸。池畔臨風。焚香不息。嗚呼變

化。惠好終極。四馮相視祲。太史書氛。藏舟晦色。逝水寒

文。翠幄成彩。金爐罷燠。燕趙一馬。瀟湘片雲。五恍惚餘

跡。蒼茫具美。王子國除。匪他之恥。言非其罪公主愁思。永懷於

彼日居。月諸丘壠。荆杞六巖巖禹鑿。瀾瀾伊川。列樹拱

矣。豐碑缺然。爰謀述作。歛就照鑄。金石照地。蛟龍下天。七

蛟龍當謂碑。少室東立。繚亘西走。佛寺在前。宮橋在後。勿所刻龍。

維山有麓與碑不朽維水有源與詞永久八〇銘體次第秩然

莊重周悉雖有駢辭無傷於體漢誌銘多用對句正復相同未記鄭駙馬以碑見誌有精彩古人作一文必著來歷則其不輕見諸可知矣〇怙音帖安也如慮往謂百慮俱去〇漢月支國王進返魂香〇漢齊人少翁致李夫人魂〇六行婦德〇按鄂王瑤母皇甫德儀〇宗在臨淄邸以容色見顧及惠妃承恩鄂王之母漸疎薄〇楊河奏太子瑛與鄂王構異謀等賜死〇臨晉公主〇玄宗女皇甫淑妃所生下嫁鄭潛曜卒大曆時按開元中代國長公主寢疾潛曜侍左右累三月不饋面尚臨晉公主〇伊川在洛陽〇歲陽載紀鶴云按爾雅自甲至癸為歲之陽妃以開元二年己亥薨至天寶四載己酉為歲陽載紀矣碑當以是年作也然此釋終未甚明〇竇主漢館陶公主號竇太主〇崔蔡崔駙蔡邕〇顏延之謝莊皆有后妃哀詠

原註

東坡餘論云董君新序稱子美為皇甫淑妃碑在開元三十二年最少作也予按此碑乃駙馬鄭潛

杜文註解卷二

天 讀書堂

曜託子美作而非開元二十三年淑妃葬時作也碑云甫忝鄭莊之賓客遊竇主之園林以白頭之嵇阮豈獨步於崔蔡野老何知斯文見託其敘稱白頭野老安得謂之少作又銘云日居月諸丘壠荆杞列樹拱矣豐碑缺然則立碑蓋在葬後也董君不放立碑之年但據葬年而云故誤耳

曾孫

壇 正字 坦

